

ТОШКЕНТ ОҚШОМИ

Газета 1966 йил 1 июлдан чиқа бошлаган

ШАХАР ИЖТИМОЙ-СИЁСИЙ КУНДАЛИК ГАЗЕТАСИ

№ 1 (13.334)

Баҳоси эркин нарҳда

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ ЎЗБЕКИСТОН ХАЛҚИГА ЯНГИ ЙИЛ ТАБРИГИ

Азиз ва муҳтарам ватандошлар! Бетакрор диёримизга янги – 2017 йил кириб келмоқда.

Сиз, муҳтарам отахон ва онахонлар, меҳрибон опа-сингилларимиз, навқирон ёшларимиз, бутун халқимизни янги йил байрами билан чин қалбимдан табриқлайман.

Барчангизга сийҳат-саломатлик, бахт ва қувонч тилайман.

Поёнига етаётган 2016 йилда юртимиз ҳаётида яхши кунлар, улкан ютуқ ва марралар кўп бўлди. Шу билан бирга, афсуски, бошимизга оғир ташвиш ва синовлар ҳам тушди.

Лекин бу синовлар эл-юртимизни янада бирлаштирди. Мард халқимизнинг матонати туфайли биз бу синовлардан ҳам муносиб ўтдик.

Яқунига етаётган йил аввало мустақил Ватанимиз 25 ёшга тўлган йил сифатида тарихимизда ўчмас из қолдирмоқда.

Ўтаётган йилни деҳқон ва фермерларимиз, ишчи ва қурувчилар, ўқитувчи ва шифокорлар, жасур ҳарбийларимиз, олимлар, ижодкор зиёлилар – барча касб эгалари ўз соҳалари бўйича ёруғ юз билан яқунладилар.

Айниқса, юртимиз спортчилари Олимпиада ва Паралимпия ўйинларида эришган бекиёс ютуқлар мамлакатимиз шухратини бутун дунёда янада юксалтирди.



Бир сўз билан айтганда, ўтиб бораётган йилдан рози бўлиб, ҳар қанча шукрона айтсангиз, арзийди.

Қадрли дўстлар! Биз кириб келаётган 2017 йилга “Халқ билан мулоқот ва инсон манфаатлари йили” деб ном бердик.

Бунинг негизда “Инсон манфаатлари ҳамма нарсадан улуг” деган олижаноб мақсад ва вазифалар ётибди.

Янги йилда бу борадаги дастурий вазифаларни амалга оширишда барчамизнинг, аввало, раҳбар ва етакчиларнинг бир жону бир тан бўлиб, астойдил меҳнат қилишлари ва ишонаман.

Юртимизда тинчлик ва барқарорлик, тараққиёт, ўзаро ҳурмат ва меҳр-оқибатни мустаҳкамлаш бундан буюн ҳам асосий вазифамиз бўлиб қолади.

Азиз ватандошларим, қадрдонларим!

Мана шу қувончли дамларда барчангизни Янги йил байрами билан самимий муборакбод этаман.

Юртимиздаги ҳар бир оилага тинчлик-хотиржамлик, бахт ва омад ҳамда фаровонлик тилайман.

Янги – 2017 йилнинг қадами жонажон Ватанимизга қутлуг ва баракали келсин!

Янги йил барчамизга муборак бўлсин!

ИЛМ-ФАН ЮТУҚЛАРИ – ТАРАҚҚИЁТНИНГ МУҲИМ ОМИЛИ

Ўзбекистон Республикаси Президенти Шавкат Мирзиёев Янги йил арафасида – 2016 йил 30 декабрь куни мамлакатимизнинг етакчи илм-фан намоёндалари билан учрашди.

Учрашувда ҳукумат аъзолари, вазирлик ва идоралар, давлат ва жамоат ташкилотлари, тижорат банклари раҳбарлари, Фанлар академияси аъзолари, етакчи олий ўқув юртлири ректорлари иштирок этди.

Давлатимиз раҳбари йиғилганларни кириб келаётган Янги йил байрами билан самимий табриқлади. Биринчи Президентимиз Исроҳ Каримов раҳнамоллигида фан ва ишлаб чиқариш ҳамкорлигини мустаҳкамлаш, таълим тизимини ривожлантириш, инновацион иқтисодиёт тараққиётига алоҳида эътибор қаратилганини таъкидлади.

Бугунги замон барча соҳалар қаторида илм-фанни ҳам янги босқичга кўтаришни талаб қилмоқда. Зотан, жамяят олдида турган долзарб масалаларни илм-фансиз ечиш қийин. Мазкур соҳани ва олимларни ҳар томонлама қўллаб-қувватлаш давлатимизнинг устувор вазифаларидандир.

Бу борадаги ишлар бугун изчил ва тизимли равишда давом эттирилмоқда. Давлатимиз раҳбари Шавкат Мирзиёевнинг яқинда қабул қилинган Ўзбекистон Республикаси Фанлар академияси академиклари фаолиятини такомиллаштириш ва рағбатлантириш тўғрисидаги Фармонида мамлакатимиз ижтимоий-иқтисодий тараққиётида илм-фаннинг ўрнини янада мустаҳкамлаш, академиклар фаолиятини ҳар томонлама қўллаб-қувватлаш, юқори малакали илмий кадрлар тайёрлаш сифатини оширишни рағбатлантириш мақсадида бир қатор муҳим чора-тадбирлар белгиланган.

Илм-фан билан шуғулланиш, янги кашфиёт ва ихтиролар қилиш игна билан кудук қазишдек гап, деди Президентимиз. Шундай экан, бу машаққатли соҳада фидокорона меҳнат қиладиган олимларимиз меҳнати тахсин ва рағбатга муносиб.

Мамлакатимиз ва жамятимизнинг замон талаблари даражасида ривожланишни илм-фансиз тасаввур қилиш қийин. Илм-фан тараққиётида фундаментал тадқиқотлар муҳим аҳамият касб этади. Айнан улар орқали янги билимлар ўзлаштирилади ва назариялар шакллантирилади, келгуси амалий тадқиқотлар ва инновацион ишланмалар учун мустаҳкам асос яратилади.

Мамлакатимизда амалга оширилаётган тадқиқотларнинг ҳаммасини ҳам илм-фаннинг бугунги юқори ривожланиш даражасига тўла жавоб беради, деб бўлмайти.

Юқори технологик илмий маҳсулотларни амалиётга жорий этиш учун янги замонавий тажриба-ишлаб чиқариш, конструкторлик-технологик ташкилотлар ҳамда инновация марказларини ташкил этиш зарур. Маркетинг ва лицензиялаш хизматлари талаб даражасида эмас. Бу мамлакатимиз илмий-инновацион маҳсулотларини амалиётга кенг татбиқ этишда яқол сезилмоқда.

Фан, таълим ва ишлаб чиқариш интеграциясини янада такомиллаштириш муҳимлиги алоҳида қайд этилди. Янги технологияларни жорий қилувчи корхоналарга имтиёзлар ва преференциялар бериш илм-фанга инвестиция киритадиган корхоналар сони сезиларли даражада ошишида муҳим аҳамият касб этади.

Мавжуд илмий салоҳият ва маблағларни иқтисодиёт тармоқларининг буротмалари ва муайян муаммоларни ечишга қаратилган энг муҳим устувор тадқиқотларга йўналтириш зарур.

Жаҳоннинг етакчи институтлари, университетлари, илмий марказлари ва Фанлар академиялари билан илмий ҳамкорликни янада ривожлантиришни замоннинг ўзи талаб қилмоқда, деди Президентимиз. Хорижий етакчи ўқув ва илмий муассасаларида таълим ва илмий даража олган юртодошларимиз учун мамлакатимизда қулай шарт-шароитлар яратиб бериш, уларни рағбатлантириш чораларини кўриш керак.

Мамлакатимизда юқори салоҳиятга эга, жаҳон миқёсида эътироф этилган олимлар кўп. Улар ўз мактабларини яратиши, шогирдлар тарбиялаши лозим. Еш авлодни салоҳиятли кадрлар этиб тарбиялашдаги биринчи босқич – мактаб таълимини тубдан такомиллаштириш, илмий кадрлар ва юқоқ малакали мутахассислар тайёрлаш жараёнининг узлуксизлигини таъминлаш зарур. Бу йўлда ҳеч нарсани аямаймиз, деди давлатимиз раҳбари.

Шавкат Мирзиёевнинг сайловолди учрашувларида илгари сурилган тақдирлар, жумладан, замонавий технопарклар, Академиклар шаҳарчасида эркин иқтисодий ҳудуд мақомига эга бўлган Инновацион марказ ташкил этиш бўйича ташаббуси илмий-тадқиқот институтлари, таълим муассасалари ва саноат корхоналарининг рақобатбардошлигини ошириш, соҳага маҳаллий ва хорижий инвесторларни кенг жалб этиш имконини бериши илм-фан аҳли томонидан алоҳида таъкидланди.

Учрашувда Ўзбекистон Республикаси Фанлар академияси президенти Ш.Солиҳов, Фанлар академияси академиклари А.Қаюмов, М.Салоҳиддинов, Р.Убайдуллаева, С.Рашидов, А.Глушенкова, Т.Даминов, Ж.Бозорбоев, Б.Йўлдошев, Б.Назаров ва бошқалар Президентимизнинг яқинда қабул қилинган Фармони соҳа ривожига муҳим роль ўйнашини таъкидлаб, мавжуд долзарб масалалар, мамлакатимизда илм-фан ҳамда инновацион фаолиятни янада ривожлантириш юзасидан ўз фикр-мулоҳазалари ва тақлифларини билдирди. Президентимизга мамлакатимизда илм-фан ва инновацион Фаолиятни қўллаб-қувватлаётгани, илм аҳлини рағбатлантиришга қаратаётган алоҳида эътибори учун самимий миннатдорлик изҳор этди.

Президентимиз Шавкат Мирзиёев иқтисодиётимизнинг барча соҳалари тараққиётида илм-фаннинг ўрни, аҳамияти гоёт катта экани, бу борада давлатимиз биринчи галда Фанлар академияси ва олимларга суянишини, фан ва ишлаб чиқариш ҳамкорлиги бугун нихоятда долзарб эканини алоҳида таъкидлади. Йиғилганларни яна бир бор Янги йил байрами билан қутлади.

САМИМИЙ ҚУТЛОВЛАР

Янги – 2017 йил кириб келиши муносабати билан Ўзбекистон Республикаси Президенти Шавкат Мирзиёев номига хорижий давлатлар ва ҳукуматлар, халқаро ташкилотлар, компаниялар раҳбарлари ва жамоат арбобларидан Президентимиз ва Ўзбекистон халқига тинчлик-осойишталик, сийҳат-саломатлик, бахт-саодат ва муваффақиятлар изҳор этилган самимий қутловлар келмоқда.

Қуйидагилар ўз табриқларини йўлаган:

Россия Федерацияси Президенти – **Владимир Путин**

Россия Федерацияси Ҳукумати Раиси – **Дмитрий Медведев**

Козоғистон Республикаси Президенти – **Нурсултон Назарбоев**

Туркменистон Президенти – **Гурбангули Бердимухамедов**

Қирғизистон Республикаси Президенти – **Алмазбек Атамбоев**

Тожикистон Республикаси Президенти – **Имомали Раҳмон**

Беларусь Республикаси Президенти – **Александр Лукашенко**

Арманистон Республикаси Президенти – **Серж Саргсян**

Афғонистон Ислоҳ Республикаси Президенти – **Ашраф Ғани**

Испания Қироли – **Фелипе VI**

Германия Федератив Республикаси Федерал Президенти – **Йоахим Гаук**

Буюк Британия Бош вазири – **Тереза Мэй**

Польша Республикаси Президенти – **Анджей Дуда**

Исландия Президенти – **Гвюдни Торласиус Йоуханнессон**

Кувейт Давлати Амири – **Сабах ал-Аҳмад ал-Жобир ас-Сабоҳ**

Мўғулистон Президенти – **Цахиагийн Элбэгдорж**

Янги Зеландия Генерал губернатори – **Пэтси Редди**

МДХ Ижроия қўмитаси раиси – Ижрочи котиби – **Сергей Лебедев**

Халқаро олимпия қўмитаси президенти – **Томас Бах**

“Лотте групп” компанияси президенти – **Шин Донг Бин**

Г.В.Плеханов номидаги Россия иқтисодиёт университети ректори – **Виктор Гришин**

Бирлашган Миллатлар Ташкилотининг Ўзбекистондаги доимий вакили – **Стефан Приснер**

Қутловлар келиши давом этмоқда.

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВ ЖАНОБИ ОЛИЙЛАРИГА

Жаноби Олийлари!

Самимий табриқингиз учун чин юракдан миннатдорлик изҳор этаман. Сиз билдирган ишончдан гоёт таъсирландим.

Бирлашган Миллатлар Ташкилоти ва Ўзбекистон Республикаси ўртасида самарали ҳамкорлик йўлга қўйилган. Мен бу ҳамкорликни ривожлантириш, шу жумладан, БМТнинг мамлакатингиздаги ваколатхонаси, БМТнинг Марказий Осиё учун превентив дипломатия бўйича минтақавий маркази орқали янада мустаҳкамлашга ҳаракат қиламан.

Орол денгизининг қуриши оқибатларини юмшатиш биз-

нинг умумий ва устувор мақса-

димиз эканини яхши англайман. БМТ ушбу фожиа билан боғлиқ муаммоларни ҳал қилиш борасидаги саъй-ҳаракатларингизни бундан кейин ҳам қўллаб-қувватлайверади.

Янги лавозимга киришар эканман, Ўзбекистон халқи ва умуман Марказий Осиё минтақасининг фаровонлиги йўлидаги яқин ҳамкорлигимизни янада кенгайтирамиз, деган умиддаман.

Ўзбекистон Республикасига ташриф буюриш ҳақидаги тақлифингиз учун Сизга миннатдорлик билдираман. Бунинг учун қулай имконият бўлиши билан мамлакатин-

гизга бориш ниятдаман.

Фурсатдан фойдаланиб, Сизни Ўзбекистон Республикаси Президенти этиб сайланганингиз муносабати билан муборакбод этаман. Сиз билан яқин вақтларда учрашиш ҳамда глобал ва минтақавий долзарб таҳдидларни бартараф этиш йўлида ҳамкорликда ишлаш имкониятини сабрсизлик билан кутаман.

Жаноби Олийлари, Сизга бўлган юқоқ хурмат ва эҳтиромимни қабул қилгайсиз.

Самимий ва эзгу тилақлар билан,

Антониу ГУТЕРРЕШ, Бирлашган Миллатлар Ташкилотининг сайланган Бош котиби

САМИМИЙ МИННАТДОРЛИК

Ўзбекистон Республикаси Президенти Шавкат Мирзиёев Жаноби Олийларига

Муҳтарам Шавкат Миромонович!

2016 йил 24 декабрь куни қардош Ўзбекистон Республикасига ташрифим давомида менга ва Қирғизистон делегациясига кўрсатилган самимий қабул ва меҳмондўстлик учун чин қалбимдан миннатдорлик изҳор этаман.

Қирғизистон Республикаси ва Ўзбекистон Республикаси ўртасида абадий дўстлик тўғрисидаги шартнома имзоланганининг юбилей санаси куни бўлиб ўтган музокараларимиз ва очиқ фикр алмашганимизни мамнуният билан эслайман. Ишончим комилки, ўзаро ҳамкорлигимизни янада ривожлантиришнинг йўналишларини белгилаб олиб, бу борада тўлиқ англашувга эришдик. Бу халқларимиз фаровонлиги йўлида юқорида тилга олинган шартномага янги ҳаёт бағишлайди.

Учрашувимиз якунида эришилган келишувлар ўзаро муносабатларимизнинг барча масалаларини, жумладан, аввал биз мурсогага келолмаган масалаларни ҳам ҳал қилиш имконини беради. Мамлакатларимизнинг тегишли давлат идоралари олдида ушбу келишувларни қисқа муддатда амалга ошириш борасида катта ва масъулиятли вазифалар турибди. Бу ишлар муваффақиятли бажарилишига ишонаман.

Сизни яна бир бор ишонтириб айтаманки, Қирғизистон Республикаси Ўзбекистон Республикаси билан дўстлик, яхши қўшничилик ва ўзаро манфаатли ҳамкорликка асосланган муносабатларни янада мустаҳкамлаш йўлида собит туради.

Фурсатдан фойдаланиб, Сизни ва бутун Ўзбекистон халқини янги – 2017 йил билан самимий табриқлайман!

Сизнинг раҳбарлигингизда Ўзбекистон янги йилда иқтисодиёт ва жамяятни янада юқоқ суръатлар билан ривожлантиришга эришади, деб ишонаман.

Муҳтарам Шавкат Миромонович, Сизга мустаҳкам соғлиқ, давлат раҳбари сифатидаги фаолиятингизга куч-қувват, муваффақиятлар, Ўзбекистон халқига Сизнинг Президент этиб сайланганингиз билан боғлиқ барча эзгу мақсадлари рўёбга чиқошини, тараққиёт ва фаровонлик тилайман.

Сизни янги йилда ўзингизга қулай вақтда Қирғизистон Республикасига расмий ташриф билан келишга тақлиф этаман.

Хурмат билан,

Алмазбек АТАМБОВЕВ, Қирғизистон Республикаси Президенти

Ўзбекистон Республикаси Президентининг
ҚАРОРИ2017-2021 ЙИЛЛАРДА МАКТАБГАЧА ТАЪЛИМ
ТИЗИМИНИ ЯНАДА ТАКОМИЛЛАШТИРИШ
ЧОРА-ТАДБИРЛАРИ ТЎҒРИСИДА

Мактабгача таълим тизимини янада такомиллаштириш, моддий-техника базасини мустаҳкамлаш, мактабгача таълим муассасалари тармоғини кенгайтириш, малакали педагог кадрлар билан таъминлаш, болаларни мактаб таълимига тайёрлаш даражасини тубдан яхшилаш, таълим-тарбия жараёнига замонавий таълим дастурлари ва технологияларини татбиқ этиш, болаларни ҳар томонлама интеллектуал, ахлоқий, эстетик ва жисмоний ривожлантириш учун шарт-шароитлар яратиш мақсадида:

1. Қуйидагиларни ўз ичига олган Мактабгача таълим тизимини янада такомиллаштириш бўйича 2017-2021 йилларга мўлжалланган дастур (кейинги ўринларда Дастур деб юритилади):

мактабгача таълим тизимини янада такомиллаштириш бўйича 2017-2021 йилларга мўлжалланган чора-тадбирлар режаси 1-иловага мувофиқ;

2017-2021 йилларда мактабгача таълим муассасаларини янгидан қуриш, реконструкция қилиш ва мукамал таъмирлашнинг асосий параметрлари, молиялаштириш ҳажми ва манбалари 2, 3-иловаларга мувофиқ;

2017-2021 йилларда мактабгача таълим муассасаларида болаларни мактаб таълимига тайёрлаш бўйича қисқа муддатли гуруҳларни ташкил қилишнинг асосий параметрлари 4-иловага мувофиқ тасдиқлансин.

2. Дастурнинг асосий мақсадли вазифалари ва йўналишлари этиб қуйидагилар белгилансин:

илғор хорижий тажрибани ҳисобга олган ҳолда болаларни ҳар томонлама интеллектуал, ахлоқий, эстетик ва жисмоний ривожлантириш шароитларини яратиш;

мактабгача таълим сифатини ошириш, мактабгача таълим муассасаларида болаларни мактабгача сифатли тайёрлашни тубдан яхшилаш, таълим-тарбия жараёнига жаҳон амалиётида кенг қўлланиладиган замонавий таълим дастурлари ва технологияларини жорий этиш;

мактабгача таълим муассасаларида 5-6 ёшдаги болаларни мактаб таълимига тайёрлаш бўйича 6100 та қисқа муддатли гуруҳни ташкил этиш;

замонавий педагогик технологиялар ва услубларни инobatга олган ҳолда мактабгача таълим муассасаларида педагог кадрларни тайёрлаш ва малакасини оширишнинг ўқув режа ва дастурларини такомиллаштириш;

2200 та мактабгача таълим муассасасининг моддий-техника базасини мустаҳкамлаш, шу жумладан қишлоқ жойларда мактабгача таълим муассасаларини янгидан қуриш, уларни замонавий талабларга жавоб берадиган инвентарь, жиҳоз, ўқув-методик қўлланмалар ва мультимедиа воситалар билан таъминлаш.

3. Мактабгача таълим тизимини янада такомиллаштириш бўйича 2017-2021 йилларга мўлжалланган дастурнинг бажарилишини мувофиқлаштирувчи республика комиссияси (кейинги ўринларда Республика комиссияси деб юритилади) таркиби 5-иловага мувофиқ тасдиқлансин.

Республика комиссияси (А.Н.Арипов) Дастурда назарда тутилган чора-тадбирларнинг амалга оширилиши юзасидан масъул бўлган вазирлик, идоралар ва маҳаллий давлат ҳокимияти органлари фаолиятини тизимли асосда мувофиқлаштириш-

ни, белгиланган тадбирларнинг тўлиқ ва сифатли бажарилиши ҳамда асосий параметрларга эришилиши устидан мониторинг ва назоратни амалга оширсин.

Республика комиссиясига Ўзбекистон Республикаси Халқ таълими вазирлиги, Иқтисодиёт вазирлиги, Молия вазирлиги, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари тақдимномаси бўйича мактабгача таълим муассасаларини янгидан қуриш, реконструкция қилиш ва мукамал таъмирлашнинг ҳар йили тасдиқланадиган манзилли рўйхатига тасдиқланган асосий параметрлар доирасида ўзгартиришлар киритиш ҳуқуқи берилсин.

4. Қуйидагилар Дастурни амалга оширишни молиялаштириш манбалари этиб белгилансин:

мактабгача таълим муассасаларини янгидан қуриш, реконструкция қилиш ва мукамал таъмирлаш, шунингдек ўйин майдончалари, болалар айвонлари қуриш ва уларнинг ҳудудини ўраш мақсадлари учун – Ўзбекистон Республикаси Молия вазирлиги ҳузуридаги бюджетдан ташқари Умумтаълим мактаблари, касб-ҳунар коллежлари, академик лицейлар ва тиббиёт муассасаларини реконструкция қилиш, мукамал таъмирлаш ва жиҳозлаш жамғармаси маблағлари (кейинги ўринларда Жамғарма деб юритилади);

мактабгача таълим муассасалари ҳудудини ободонлаштириш ва ичимлик суви билан таъминлаш учун – Қорақалпоғистон Республикаси бюджети, вилоятлар ва Тошкент шаҳар маҳаллий бюджетларининг маблағлари;

мактабгача таълим муассасаларини жиҳозлаш учун – Ўзбекистон Республикаси Давлат бюджети маблағлари;

халқаро молиявий институтлар, ташкилотлар ва донор мамлакатлар маблағлари, юридик ва жисмоний шахсларнинг ҳомийлик хайриялари, шунингдек қонун ҳужжатларида тақиқланмаган бошқа манбалар.

Ўзбекистон Республикаси Молия вазирлиги 2017 йилдан бошлаб Жамғарма параметрларида ҳамда Ўзбекистон Республикаси Халқ таълими вазирлигининг харажатлар сметасида Дастурни амалга ошириш учун зарур маблағларнинг таълим соҳасига ҳар йилги ажратиладиган бюджет маблағлари доирасида алоҳида сатр билан ажратилишини назарда тутсин.

5. Белгилансинки:

мактабгача таълим муассасаларини янгидан қуриш намунавий лойиҳалар бўйича амалга оширилади;

мактабгача таълим муассасаларини янгидан қуриш, реконструкция қилиш ва мукамал таъмирлаш ишларини амалга ошириш бўйича буюртмачи вазифаси Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари ҳузуридаги “Ягона буюртмачи хизмати” инжиниринг компанияси зиммасига юклатилади;

мактабгача таълим муассасаларини жиҳозлаш, мол-мулкдан самарали фойдаланиш ҳамда малакали кадрлар билан таъминлаш Ўзбекистон Республикаси Халқ таълими вазирлиги зиммасига юклатилади.

6. Ўзбекистон Республикаси Давлат архитектура ва қурилиш қўмитаси:

Ўзбекистон Республикаси Халқ таълими вазирлиги буюртмаси асосида “ТошўйжойЛИТИ” акциядорлик жамияти билан биргаликда хорижий тажрибадан ва мамлакатимизнинг иқлим шароитларидан келиб чиққан ҳолда, янгидан қурилиши белгиланган қуввати 70 ва 120 ўринли замонавий мактабгача таълим муассасаларининг намунавий лойиҳасини ишлаб чиқсин;

Дастур доирасида мактабгача таълим муассасаларини янгидан қуриш, реконструкция қилиш ва мукамал таъмирлаш ишлари бўйича лойиҳа-смета ҳужжатларининг белгиланган тартибда давлат экспертизасидан ўтказилишини таъминласин;

буюртмачилар билан пудратчилар ўртасидаги шартнома мажбуриятларининг бажарилиши, жумладан тасдиқланган намунавий лойиҳаларга мувофиқ бажариладиган лойиҳа ва қурилиш-монтаж ишларига қўйиладиган талабларга ҳамда шаҳар-созлик нормалари ва қоидаларига риоя этилиши устидан тизимли мониторинг ўрнатсин.

7. Ўзбекистон Республикаси Иқтисодиёт вазирлиги, Молия вазирлиги, Халқ таълими вазирлиги, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари:

ушбу қарорнинг 2-иловасига мувофиқ, тасдиқланган мактабгача таълим муассасаларини янгидан қуриш, реконструкция қилиш ва мукамал таъмирлашнинг асосий параметрлари самарали ва сифатли бажарилишини таъминлаш;

ҳар йили Ўзбекистон Республикаси Инвестиция дастури лойиҳаси ва қурилишнинг манзилли рўйхатини шакллантиришда янгидан қуриш, реконструкция қилиш ва мукамал таъмирлаш ҳамда уларни зарурий жиҳоз ва инвентарлар билан таъминлашнинг молиялаштириш ҳажмини аниқлаган ҳолда, мактабгача таълим муассасаларининг аниқ сони ва рўйхатини белгилаш чораларини кўрсин.

8. Ўзбекистон Республикаси Халқ таълими вазирлиги, Давлат архитектура ва қурилиш қўмитаси, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари раҳбарлари зиммасига қуйидагиларни амалга оширишда шахсий масъулият юклатилсин:

мактабгача таълим муассасаларини янгидан қуриш, реконструкция қилиш ва мукамал таъмирлаш манзилли рўйхатига киритилган объектлар бўйича танлов (тендер) савдоларини ўз вақтида ўтказиш;

мактабгача таълим муассасаларида қурилиш-монтаж ишларининг бажарилиши ва фойдаланишга топширилишида тасдиқланган намунавий лойиҳа, шаҳар-созлик нормалари ва қоидаларига қатъий риоя қилиш.

9. Ўзбекистон Республикаси Халқ таълими вазирлиги, Молия вазирлиги ҳамда бошқа вазирлик ва идоралар бир ой муддатда ўзларининг норматив-ҳуқуқий ҳужжатларини ушбу қарорга мувофиқлаштирсинлар.

10. Мазкур қарорнинг бажарилишини назорат қилиш Ўзбекистон Республикасининг Бош вазири А.Н.Арипов зиммасига юклансин.

Ўзбекистон Республикаси Президенти
Ш.МИРЗИЁЕВ

Тошкент шаҳри,
2016 йил 29 декабрь

САМИМИЙ
ҚУТЛОВЛАР

Янги – 2017 йил кириб келиши муносабати билан Ўзбекистон Республикаси Президенти Шавкат Мирзиёев номига хорижий давлатлар ва ҳукуматлар, халқаро ташкилотлар, компаниялар раҳбарлари ва жамоат арбобларидан Президентимиз ва Ўзбекистон халқига тинчлик-осойишталик, сihat-саломатлик, бахт-саодат ва муваффақиятлар изох эитилган самимий қутловлар келмоқда.

Қуйидагилар ўз табрикларини йўллаган:

Хитой Халқ Республикаси Раиси – **Си Цзиньпин**
Япония Бош вазири – **Синдзо Абэ**
Бирлашган Араб Амирликлари Президенти – **Шайх Халифа бин Зоид Ол Наҳаён**
Бирлашган Араб Амирликлари Вице-президенти, Бош вазири, Дубай Амирлиги ҳокими – **Муҳаммад бин Рошид Ол Мактум**
Бирлашган Араб Амирликлари Қуроли кучлари Бош қўмондони ўринбосари, Абу Дабӣ Амирлиги валиаҳди – **Шайх Муҳаммад бин Зоид Ол Наҳаён**
Озарбайжон Республикаси Президенти – **Илҳом Алиев**
Европа Кенгаши Президенти – **Дональд Туск**
Норвегия Қироли – **Харальд V**
Канада Генерал губернатори – **Дэвид Ллойд Жонстон**
Венгрия Республикаси Президенти – **Янош Адер**
Словения Республикаси Президенти – **Борут Пахор**
Латвия Республикаси Президенти – **Раймондс Вейонис**
Эрон Ислоҳ Республикаси Президенти – **Хасан Рухонӣ**
Миср Араб Республикаси Президенти – **Абдулфаттоҳ ас-Сиси**
Жазоир Халқ Демократик Республикаси Президенти – **Абдулазиз Бутефлика**
Бангладеш Халқ Республикаси Бош вазири – **Шайх Ҳасина**
Афғонистон Ислоҳ Республикаси ҳукумати Ижроия кенгаши раиси – **Абдулла Абдулла**
Халқаро валюта жамғармаси ижрочи директори – **Кристин Лагард**
НАТО Бош котиби – **Йенс Столтенберг**
Шанхай ҳамкорлик ташкилоти Бош котиби – **Рашид Алимов**
Кавказ мусулмонлари идораси раиси, МДХ Динлараро кенгаши ҳамраиси – **Шайхулислом Оллоҳшукур Пошшозода**
Авиация бўйича давлатлараро кенгаш президенти, Давлатлараро авиация қўмитаси раиси – **Татьяна Анодина**
Япония халқаро ҳамкорлик агентлиги президенти – **Шиничи Китаока**
“Лукойл” нефть-газ компанияси президенти – **Вагит Алекперов**
“Транснефть” компанияси вице-президенти – **Владимир Рушайло**
Жанубий Кореянинг “Шиндонг Ресорсиз” компанияси президенти – **Ким Ёнг Гу**
Европа Иттифоқининг Ўзбекистондаги делегацияси раҳбари – **Эдуард Стипрайс**

Қутловлар келиши давом этмоқда.



МАМЛАКАТИМИЗДА

● Бухоро вилояти мусикали драма театрида ташкил этилган “Президент арчаси” байрам тадбирида болажонларга давлатимиз раҳбарининг совғалари топширилди. Шўх куй-қўшиқ ва рақслар, айникса, ўқув қуроллари ва ширинликлардан иборат совға болаларга чексиз қувонч улашди.

● Янги йил байрами арафасида Қорақалпоғистон Республикасининг Эллиқалъа тумани марказида янги китоб дўкони фойдаланишга топширилди. “Билим-сервис” масъулияти чекланган жамияти томонидан очилган масканда 5 минг 500 дан зиёд турли китоблар савдоси йўлга қўйилди. Дўконда ташкил этилган “Электрон кутубхона” ва “Компьютер ўқуви” хоналари айникса ёшларда катта қизиқиш уйғотмоқда.

● Янги йил арафасида Ромитан туманида ёпик сузиш ҳавзаси фойдаланишга топширилгани аҳоли учун чинакам байрам тўхфаси бўлди. Ўзбекистон Болалар спортини ривожлантириш жамғармаси томонидан 2 миллиард 649 миллион сўм маблағ эвазига барпо этилган ҳавзада ёшларнинг сузиш техникасини ўрганиши ва маҳоратини ошириши учун барча шароит яратилган. Мураббийлар, тиббиёт, сув таркибини таҳлил қилиш лабораторияси хоналари ва бошқа ёрдамчи иншоотлар тегишли жиҳозлар билан таъминланган.

ЖАҲҲОНДА

● Вашингтон штатида енгил самолётнинг ҳалокатга учраши натижасида тўрт киши ҳаётдан кўз юмди.

● “Samsung” корпорацияси Galaxy Note 7 смартфонлари портлаб кетиши сабабини қидириш мақсадида ўтказган тадқиқотини якунлади. Компания мутахассисларининг фикрича, гаджетнинг портлашига унинг ичидаги деталларнинг жуда зич жойлаштирилгани сабаб бўлган. Маълумотларга кўра, корпорация тез орада ўзининг Galaxy S8 янги модели билан бозорга қайтмоқчи.

ЎЗБЕКИСТОН РЕСПУБЛИКАСИ ПРЕЗИДЕНТИНИНГ “2017-2021 ЙИЛЛАРДА
МАКТАБГАЧА ТАЪЛИМ ТИЗИМИНИ ЯНАДА ТАКОМИЛЛАШТИРИШ
ЧОРА-ТАДБИРЛАРИ ТЎҒРИСИДА”ГИ ҚАРОРИГА ШАРҲ

Мустақиллик йилларида республикада миллий таълим ва тарбия тизими давлат сиёсатининг асосий устувор йўналиши даражасига кўтарилди. Ўзбекистон Республикасининг Биринчи Президенти Ислам Каримовнинг бевосита раҳбарлигида ишлаб чиқилган ва жаҳон ҳамжамияти томонидан кенг эътироф этилган Кадрлар тайёрлаш миллий дастурининг муваффақиятли жорий этилиши натижасида мамлакатда ноёб узлуксиз таълим тизими барпо этилди.

Мактабгача таълим соҳаси мазкур тизимнинг илк бўғини ҳисобланади ва бутун таълим-тарбия тизимининг асосий мақсади бўлган – баркамол авлодни тарбиялашга эришишда муҳим аҳамият касб этади.

Кейинги йилларда мактабгача таълим муассасаларининг фаолият самарадорлигини ошириш ва моддий-техника базасини мустаҳкамлашга йўналтирилган қатор тизимли ишлар амалга оширилмоқда. Биргина 2015-2016 йиллар давомида 459 та мактабгача таълим муассасаси мукамал таъмирланди ва замонавий талабларга мос равишда жиҳозланди.

Шу билан бирга, бугунги кунда

мактабгача таълим муассасаларининг таълим дастурлари ва ўқув-тарбиявий режаларига қўйилган давлат талабларини такомиллаштириш долзарб масалалигига қолмоқда. Аксарият мактабгача таълим муассасаларининг моддий-техника базаси замон талабларига жавоб бермайди. Болаларни мактабгача таълимга қамраб олиш кўрсаткичи ҳамон пастлигига қолмоқда.

Мавжуд муаммоларни амалий бартараф этиш мақсадида Ўзбекистон Республикаси Президентининг “2017-2021 йилларда мактабгача таълим тизимини янада такомиллаштириш чора-тадбирлари тўғрисида”ги Қарори қабул қилинди. Дастур асосида қуйидаги кенг қўламли комплекс тадбирларни амалга ошириш кўзда тутилган:

болаларнинг ҳар томонлама интеллектуал, ахлоқий, эстетик ва жисмоний ривожланиши учун илғор хорижий тажрибаларни инobatга олган ҳолда зарур шарт-шароитлар яратиш;

мактабгача таълим муассасалари учун педагог кадрларни тайёрлаш ва малакасини ошириш ўқув режа ва

дастурларини замонавий педагогик технология ва методларни инobatга олган ҳолда такомиллаштириш;

2200 та мактабгача таълим муассасасининг моддий-техника базасини мустаҳкамлаш, жумладан қишлоқ аҳоли пунктларида янги мактабгача таълим муассасаларини қуриш, уларни замонавий талабларга жавоб берадиган инвентарь, ускуналар, ўқув-методик қўлланмалар, мультимедиа ресурслари билан таъминлаш. Ушбу тадбирларни амалга ошириш учун жами 2,2 триллион сўм маблағ ажратилиши кўзда тутилмоқда.

Қарор билан белгиланган комплекс тадбирларнинг амалга оширилиши натижасида қуйидагиларга эришилиши:

юқори сифатли мактабгача таълимни таъминлаш, болаларни сифатли мактабгача таълим тизимини тубдан яхшилаш, таълим-тарбия жараёнига мўқобил дастурларни жорий этишга;

болаларни мактабга тайёрлашнинг мўқобил шакли бўлган 6100 та қисқа муддатли гуруҳни ташкил этишга;

3-6 ёшдаги мактабгача таълим муассасаларига қамраб олинмаган бо-

лаларни уларнинг ота-оналарини методик қўлланмалар билан таъминлаш орқали мактаб таълимига тайёрлашни ташкил этишга;

мактабгача таълим муассасалари тармоғини 50 та янги қурилиш ҳамда мавжуд муассасаларнинг 1167 тасини реконструкция қилиш ва 983 тасини мукамал таъмирлаш орқали кенгайтиришга;

қишлоқ жойлардаги мактабгача таълим муассасаларида ота-оналар бадал тўловини 30 фоизгача камайтиришга;

болаларнинг мактабгача таълимга қамровини 1,5 баробар оширишга.

Дастурнинг самарали амалга оширилиши унда кўзда тутилган кўрсаткичлар ижросининг боришини тизимли мониторинг қилиб бориш орқали давлат органларининг доимий назоратида бўлади.



ҚАЛБЛАРГА ШОДЛИК БАХШ ЭТАДИ

Яккасарой туманидаги 125-сонли мактабгача таълим муассасасида "Янги йилнинг арчаси – ярқирайди дарчаси" мавзuida байрам тадбири бўлиб ўтди.

Тадбир доирасида болажонлар ям-яшил арча атрофида жамулжам бўлиб, кўл ушлашиб рақсга тушдилар ва шўх кўшиқлар ижро этдилар. Айниқса она Ватанини, дўстликни, яхшиликни тараннум этувчи, болаларни эзгуликка чорловчи сахна кўринишлари ва шеърлар байрам иштирокчиларига бирдай манзур бўлди. Янги йилнинг байрамона тадбирлари жажжи болажонларимизга бир олам қувонч бағишлайди, – дейди тарбиячи Холида Раҳимова. – Муассасамиз раҳбари Гулсанам Мирсалимова бошчилигида ҳар йили янги йилни кўтаринки кайфиятда нишонлашга ҳаракат қиламиз. Болажонлар учун эртақ қаҳрамонлари тимсолида уларнинг мурғам қалбларига яхшилик ва эзгулик туйғуларини мужассамлаштиришга ҳаракат қиламиз. Ҳа янги йил аслида жажжи фарзандларимизнинг энг сеvimли байрами ҳисобланади. Чунки улар

Қорбобо ва Қорқиздан кутилмаган совғалар олишади. 343 нафар болажонлар тарбияланаётган ўзингизни ҳақиқий эртақлар мамлакатига кириб қолгандай ҳис қиласиз. Айниқса янги йил руҳида безатилган арча ва ўйинчоқлари кўнглингизда беихтиёр бахтиёр болалик дунёсига яна бир бор қайтишни чин дилдан хоҳлаб қоласиз. Дарҳақиқат, қутлуг қадамлари билан кириб келаётган янги йил нафақат болажонларни, балки биз катталарни ҳам, саодатли манзиллар сари чорлайди, эзгу ишларга қақиради, қалбимизга мусаффолик ва шодлик бахш этади. **Гулчехра ДУРДИЕВА СУРАТДА: байрам тадбиридан лавҳа Ислон Исмоилов олган сурат**

БАХТИЁР ДАМЛАР БАРДАВОМ БЎЛСИН

Янги йил эшик қоқаётган паллада майдонлар, хиёбонларда болажонларга олам-олам қувонч олиб келадиган Қорбобо, Қорқиз ҳамда турли эртақ қаҳрамонларини учратамиз.

"Камолот" ёшлар ижтимоий ҳаракати "Ёшлик" талабалар шаҳарчаси Етақчилар Кенгаши томонидан "Дейра" тантаналар уйида "Камолот"дан Янги йил лойиҳаси доирасида "Янги йилнинг қувноқ ўтсин, болажон!" деб номланган байрам тадбири ташкил этилди. Тадбир шаҳарча ҳудудида жойлашган "Зиё", "Университет", "Беруний майдони", Мирза Ғолиб, Беруний, "Хислат", "Жийдали" ва "Шифокорлар" маҳаллаларида истиқомат қилувчи ижтимоий ҳимояга муҳтож ҳамда кам таъминланган оилалар фарзандларига байрамона кайфият улашиш мақсадида ўтказилди. Тадбирда "Ёшлик" талабалар шаҳарчаси ҳудудида жойлашган мактабгача таълим муассасалари, умумтаълим мактабларидаги фаол болажонлар ҳамда 8 та маҳаллаларда истиқомат қилувчи кам таъминланган, ижтимоий ҳимояга муҳтож 100 нафардан ортиқ маҳалла ёшлари иштирокида. Уларга бир-биридан ажойиб совғалар улашилди.

Байрам тадбири давомида "Ёшлик" талабалар шаҳарчаси ҳокими Қаҳрамон Шоназаров, Тадбиркорлар ва ишбилармонлар ҳаракати – Ўзбекистон Либерал-демократик партияси аъзоси, халқ депутатлари Тошкент шаҳар Кенгаши депутати, Ўзбекистонда хизмат кўрсатган шифокор А. Тошпўлатовлар сўзга чиқиб, болажонларни янги йил билан табриклаб, кириб келаётган йил барчага омадли келишини ва болажонларнинг ўқишларига муваффақият тилашди.

Обод юртимизнинг бахтли болажонлари кўшиқлар куйлашди, шеърлар айтишди. Шўх-шодон тароналар жанрида рақсга тушаётган болажонларнинг чексиз қувончини сўз билан ифодалаб бўлмайди.

Зиёда РАСУЛОВА

Янги йил қачон, қаерда қандай нишонланади? Бу савол кўпчилиكنи қизиқтириши табиий.

ЯНГИ ЙИЛ ҚАЕРДА, ҚАНДАЙ НИШОНЛАНАДИ?

ЮНЕСКОнинг халқаро микёсда келишилган "Кун алма-шинадиган чизик" бўйича мамлакатлар орасида биринчи бўлиб янги йилни Россиянинг Чукотка ярим ороли аҳолиси кутиб олишса, 2 соатдан кейин японлар, 5 соатдан кейин мўғуллар, вьетнамликлар, 7 соат ўтгандан кейин эса ўзбекистонликлар, 10 соат ўтган москваликлар, 12 соатдан кейин инглизлар, французлар байрам қилишсади, Нью-Йорк ва Вашингтон аҳолиси эса 17 соатдан кейин Янги йилни тантанавор кутиб олишсади. Биз янги йилни ниҳоятда шоду хуррамлик билан нишонлаймиз. Тансиқ таомлар тайёрлаб, тўкин дастурхон тузамиз. Тонггана дил изҳорлари, эзгу тилак ва ниятлар тилаб ўйин-кулиги билан нишонлаймиз. Хўш, дунёдаги бошқа мамлакатларда янги йил қандай нишонланади? Бу борада ҳар бир халқнинг ўзинга хос ўқумлари бор.

Камбоджада янги йил кунини аҳоли 30 донга янги туқудан шакар солинган пиширик тайёрлаб, бир-бирларини сийлашар экан. Шундай қилишса гўё бахт, омад эшик қоқиб келар эмиш.

Мўғулистонда Қорбобо бошида тулки терисидан қалпоқ, эғнида пўстин, қўлида камчин билан уйма-уй юриб ҳаммани табриқлайди. Дастурхондаги таомларнинг барчаси гўшдан тайёрланади.

Италянлар янги йил кечаси синик стол-стуллари, дарз кетган идиш-товуқларни деразадан кўчага улқотириб юборадилар. Шу боис улар янги йил кечаси кўчага чиқмай уйда ўтиришади.

Бирмаликлар бир-бирларини сув сегиб табриқлайдилар. Бундан ҳеч ким ҳафа бўлмайди. Шундай қилганда уларга бахт қилиб боқар эмиш.

Японлар янги йил кечаси 108 марта кўнгирак чалишиб, уйкута кетадилар. Уйкудан турғач бир-бирларини табриқлашади.

Бразилияликлар эса, янги йил кечаси олпоқ либослар кийиб олишади. Хонадонларда шамлар ёқишади. Шамлар қанча узоқ ёнса, шунча умр кўриш мумкин, деб ўйлашади.

Вьетнамликлар янги йил кечаси меймонга боришмайди. Хатто ухламайдилар ҳам. Ким ухлаб қолса, бахт ундан юз ўттириши.

Янги йилни кутиб олишда ҳеч ким **корейликларга** етолмайди. Улар уйларида байрамни нишонлашга, тонг отгунча безатилган майдонларда сайр қилишади. Одамлар истаган хонадонга кириб кетаверадилар. Меъзон меймонлар қўлига ичимлик тўлдирилган қадақ тутади. Ҳамма ўз оиласи бахти, тинчлиги, мамлакатда маъмурилик бўлишини тилайди.

Ирландияда янги йил кечаси барча хонадонларнинг эшикларини очиб қўйиб, истаган уйга кирган меймон меъзоннинг азиз меймони бўлиши мумкин. Шундай қилинса, хонадонга бахт ва омад кириб келаркан.

Гулнигор САТТОВА тайёрлади

РЕКЛАМА ВА ЭЪЛОНЛАР

Диккат! Диккат! Диккат!
Барча юридик ва жисмоний шахслар, шу жумладан чет эл инвесторлари дикқатига!

Ўзбекистон Республикасининг Хусусийлаштириш, монополиядан чиқариш ва рақобатни ривожлантириш давлат қўмитасининг Тошкент шаҳар ҳудудий бошқармаси, "Ko'chmas mulk savdo xizmati" МЧЖ бошланғич нарх бошқармаси-бошқича охири бўлиб тартибда ўтказилаётган очиқ аукцион савдоларига тақлиф этади!

Аукцион савдоларига қуйидаги давлат активлари тақридан қўйилади:

1. Тошкент шаҳар ҳокимлиги муассислигидаги Тошкент шаҳри, Яккасарой тумани, А. Қаҳор кўчаси, 26-уй манзилида жойлашган "Landshaft Dizayn Markazi" Давлат унитар корхонаси.

Бошланғич нархи – 72 668 300 сўм.
Баландса савлоҳи: Тошкент шаҳар ҳокимлиги, Фаолияти ихтисоси: Маъмурий бошқарув.

2. Тошкент шаҳар ҳокимлиги Бинолардан фойдаланиш департаменти тасарруфидоги, Тошкент шаҳри, М. Улўбек тумани, Сайрам кўчаси, 26-уй манзилида вақтинчалик сақланаётган "Наврўз" савдо комплекси металлконструкция қурилиш материаллари иншооти.

Бошланғич нархи – 6 607 065 сўм.
Баландса савлоҳи: Тошкент шаҳар ҳокимлиги Бинолардан фойдаланиш департаменти.

Фаолияти ихтисоси: Бинолардан фойдаланиш.
Савдо ташкилотчиси: "Ko'chmas mulk savdo xizmati" МЧЖ. Тошкент шаҳри, Олмазор тумани, 1-Қорақамиш кўчаси, 1"А"-уй. Тел./факс (0-371) 228-84-48. веб-сайт: www.1kms.uz. электрон почта: rieltstavo@inbox.uz. Лицензия: RR 0001.

Аукцион савдоси 2017 йил 17 январь кунини соат 11.00 да Тошкент шаҳри, Олмазор тумани, 1-Қорақамиш кўчаси, 1"А"-уйда ўтказилади.

Аукцион савдоси шу кунини бўлиб ўтмаган тақдирда, тақририй савдолар 2017 йил 1, 16 февраль, 3, 20 март кунлари соат 11.00 да бўлиб ўтади.

Аукцион савдолари натижалари бўйича голиблик баённомаси имзоланган санадан бошлаб 20 кундан кечикмай олди-сотди шартномаси тузилади.

Талабдорлар давлат вакили бошланғич нархининг 15 фоизидан кам бўлмаган миқдорда олдиндан Савдо ташкилотчиси "Ko'chmas mulk savdo xizmati" МЧЖнинг қуйидаги банк реквизитларига закалат пулини тўлашлари лозим: АИТБ "Илпак йўли" Сағбон филиали, х/р: 20208000904920609114; МФО: 01036; СТИР: 201722519.

Аукционда қатнашишга буюртманома қабул қилиш билдиришнома эълон қилинган санадан бошланади ва билдиришномада қўрсатилган аукцион савдоси ўтказилаётган кунини бошлашнингидан ун соат олдин тамом бўлади.

Аукционда қатнашиш учун савдо ташкилотчиси талабдор ёки унинг вакили аукцион ўтказиш тўғрисидаги эълонда белгиланган муддатларда шахсан ёки почта бўйича қуйидаги ҳужжатларни илова қилган ҳолда аукционда қатнашишга буюртманомани икки нусхада тақдим этади:

– юридик шахслар учун – давлат рўйхатидан ўтказилганлик тўғрисидаги гувоҳноманинг нусхаси, шунингдек тўлиқ ваколатли вакилнинг аукционда қатнашиши учун қўнун ҳужжатларида белгиланган тартибда расмийлаштирилган, унинг шахсини тасдиқлайдиган ҳужжатнинг нусхаси илова қилинган ишончнома; жисмоний шахслар учун – паспортнинг нусхаси, аукционда тўлиқ ваколатли вакил қатнашган тақдирда, шунингдек қўнун ҳужжатларида белгиланган тартибда расмийлаштирилган, тўлиқ ваколатли вакилнинг шахсини тасдиқлайдиган ҳужжатнинг нусхаси илова қилинган ишончнома; – аукцион тўғрисидаги билдиришномада қўрсатилган банк ҳисоб рақамига закалат тўланганлигини тасдиқлайдиган тўлов ҳужжатининг нусхаси.

Мурожаат учун манзил: Тошкент шаҳри, Олмазор тумани, 1-Қорақамиш кўчаси, 1"А"-уй.

Маълумотлар учун телефонлар: (0-371) 228-84-48. Факс: (0-371) 228-80-23.

Электрон почта: rieltstavo@inbox.uz. Интернет тармоғидаги веб-сайт: www.1kms.uz, www.gkl.uz, www.gklorg.uz.

Ҳурматли тадбиркор ва ишбилармонлар! Савдоларни ўтказиш жараёнида қўнун билан қўрилган ҳужжатларнинг бузилган тақдирда Давлат рақобат қўмитасининг (0-371) 259-21-37 рақамли Ишонч телефонида зўдлик билан хабар беришингиз сўралади!

(Газетанинг навбатдаги сонини 4 январда чиқиди).



Мушоира

Иқбол МИРЗО,
Ўзбекистон халқ шоири

ЯНГИ ЙИЛ

Қор заррасин тутиб қололмас нигоҳ,
Гоҳ зарра нигоҳдан бағрим тилинди.
Қор ёгсин – ёпилсин изларинг, гуноҳ,
Янги йил, яхши йил бўлиб кел энди.

Қорми – қул остида келтирайди чўғ,
Кетганлар жон узиб, кетмаганлар, йўқ!
Сенга етганлар бор, етмаганлар йўқ,
Янги йил, яхши йил бўлиб кел энди.

Деҳқоннинг уйини тўлдир бугдойга,
Сабр бер мискинга, инсоф бер бойга.
Тинчлик, кўнгли тўқлик шоҳу гадоёйга,
Янги йил, яхши йил бўлиб кел энди.

Қирқ йилда бир йигит келар оламга,
Йигит юрагимни кўмма аламга.
Яна қирқ йил хизмат қилай онамга,
Янги йил, яхши йил бўлиб кел энди.

Арчажон, юмшатил игналарингни,
Кел, ташла, аразу гиналарингни,
Кўкка чиқай босиб зиналарингни,
Янги йил, яхши йил бўлиб кел энди.

Кўк тоқига хилол чироқ илинди,
Ёрўғ гуссаларга ошно дил энди.
Киприklar ҳам олпоқ атиргул энди,
Янги йил, яхши йил бўлиб кел энди.

ЁФАВЕРСИН ЯХШИЛИКНИНГ ҚОРЛАРИ

Яйраб ёққан оқ қорлар,
Дилга ёққан виқорлар.
Йил бошидан башарга
Тангрининг туҳфасидир.

Тунда ёққан оқ қорлар,
Тонгда ёққан оқ қорлар.
Қалбларни поклагувчи
Жаннатнинг жилғасидир.

Бутун ризқ-дондан дарак,
Ҳам шавкат-шондан дарак,
Кўқдан элга ризқ берган
Улуғлар муждасидур.

Нур ёғдирган қорларим,
Дур ёғдирган қорларим.
Лапарлар, дostonларим,
Девонлар қатрасидир.

Сехрли куй яратган,
Оламга буй таратган
Оқ либосли боғлардан,
Қўринган ой сасидир.

Қуёш қулсин бир ёнда,
Шамол елсин бир ёнда
Чанқоқ босган майсалар.
Тилагим ижросидир.

Силаб қафтимга олсам,
Ўлиб кўнглимга олсам,
Онамнинг оқ сочидек
Меҳринг жилғасидир.

Тунда ёққан оқ қорлар,
Тонгда ёққан оқ қорлар,
Юртимни яшнатувчи,
Жаннатнинг жилғасидир.

Фароғат ХУДОЙҚУЛОВА

РЕКЛАМА ВА ЭЪЛОНЛАР / РЕКЛАМА ВА ЭЪЛОНЛАР

ҲУРМАТЛИ ТАДБИРКОР ВА ИШБИЛАРМОНЛАР!

Ўзбекистон Республикаси Давлат рақобат қўмитаси Тошкент шаҳар ҳудудий бошқармаси 2017 йил 3 февралда ўтказилаётган тўғридан-тўғри музокараларни олиб бориш йўли (оммавий оферта) билан сотилаётган давлат қўчмас мулк объектларини сотиб олишни тақлиф этади:

"Объектлар"ни сотиб олиш шартлари қуйидагича:
– энг юқори сотиб олиш баҳосини тақлиф этиш;
– ушбу "Объектлар" учун энг юқори қўшимча инвестиция киритиш мажбуриятини олиш (жадвалда келтирилади);
– янги ишчи ўринлари ташкил этиш;
– харид қиймати ва қўшимча инвестиция киритишни энг қисқа муддатларда амалга ошириш.

Савдоларда қатнашиш учун тақдим этиладиган ҳужжатлар:
– сотувчининг банк ҳисоб рақамига объектнинг бошланғич нархининг 15 фоизидан кам бўлмаган миқдорда закалат пулини тўланганлиги тўғрисидаги тўлов квитанцияси;
– нодавлат юридик шахслар учун – давлат рўйхатидан ўтказилганлиги тўғрисидаги гувоҳнома-нинг нусхаси, ваколатли вакил учун қўнун ҳужжатларида белгиланган тартибда расмийлаштирилган ишончнома, унинг шахсини тасдиқлайдиган ҳужжат нусхаси илова қилинган ҳолда;

– жисмоний шахслар учун – паспортнинг нусхаси, ваколатли вакил қатнашган тақдирда, ваколатли вакил учун қўнун ҳужжатларида белгиланган тартибда расмийлаштирилган ишончнома, унинг шахсини тасдиқлайдиган ҳужжат нусхаси илова қилинган ҳолда;
– елимлаб озги ёпилган конвертга солинган, қуйидагиларни ўз ичига олувчи тақлифлар:
– сотиб олиш тўловларининг тақлиф этилаётган суммаси ва уларни тўлаш муддати;
– инвестициявий мажбуриятларнинг тақлиф этилаётган суммаси, уларни киритиш шакли, муддати ва шартлари;

– талабгорнинг молиявий мустақиллигини ва тегишли тармоққа илгари амалга оширилган инвестиция лойиҳаларини тасдиқлайдиган ҳужжатлар.

Тақдим этиладиган ҳужжатларнинг барча варақлари талабгорнинг муҳри ва имзоси билан тасдиқланади ва икки нусхада тақдим этилади.

Савдо голибига савдо кунидан бошлаб йигирма кун муддат ичида олди-сотди шартномасини имзолаш шартли юклатилади.

Савдоларда иштирок этиш учун талабгорлардан буюртманомаларни қабул қилиш оферта савдоси ўтказилаётган санадан 1 (бир) иш кунини аввал соат 16-00да тўхтатилади.

Тўғридан-тўғри музокараларни олиб бориш (оммавий оферта савдоси) 2017 йил 3 февраль кунини соат 16.00 да Тошкент шаҳри, Миробод тумани, Амир Темуր шоҳ кўчаси, 16 "А"-уй манзилида ўтказилади.

Ушбу музокаралар 2017 йил 3 февраль кунини бўлиб ўтмаган тақдирда, навбатдаги оммавий оферта савдолари 2017 йил 20 февраль, 7, 22 март, 6, 21 апрель ва 8, 23 май кунлари ўтказилади.

Мурожаат учун телефонлар: 233-35-08, 233-74-72.

Оммавий оферта савдоларига чиқарилган давлат қўчмас мулк объектлари рўйхати

№	Объект номи	Бино ва иншоотлар майдони (кв.м.)	Объект манзили	Баландса савлоҳи	ПҚ/ВМК	Савдога чиқарилган нархи (сўм)	Инвестиция мажбурияти (млн.сўм)	Инвестиция киритиш муддатлари
1	1 қаватли бинонинг ар-қўша қисми	154	Тошкент шаҳри, Шайхонтоҳур тумани, Э.З.Ғолимов кўчаси, 1а-уй	Тошкент шаҳар Шахобуддин тумани ҳокимлиги	02.03.2015 й. 36.39	315 086 600	-ме юқори сотиб олиш баҳосини тақлиф этиш; – қўшимча инвестиция мажбуриятини олиш;	
2	Қўриқнинг тўқталмаган бино-иншоотлари	2101	Тошкент шаҳри, М.Улўбек тумани, Мустақиллик шох кўчаси	Тошкент шаҳар ҳокимлигининг Савдо, ҳизмат кўрсатиш соҳаси ва ҳалқ истеъмол маҳсулоти таъминоти департаменти	02.03.2015 й. 36.39	8 098 163 700	- янги иш ўринларини ташкил этиш; – харид қиймати ва қўшимча инвестиция киритишни энг қисқа муддатларда амалга ошириш	
3	Фаолияти тўқталмаган соғиб-мажбуриятчи муассасани бошқариш иншоотлари	892	Тошкент шаҳри, Яқкасарой тумани, Шоқман кўчаси	Тошкент шаҳар Яқкасарой тумани ҳокимлиги	02.03.2015 й. 36.39	2 120 855 251	-ме юқори сотиб олиш баҳосини тақлиф этиш; – қўшимча инвестиция мажбуриятини олиш; – янги иш ўринларини ташкил этиш; – харид қиймати ва қўшимча инвестиция киритишни энг қисқа муддатларда амалга ошириш; – "Объект" соғиб-мажбуриятчи таълим муассасаси қўриқ-объекти ва соғиб-мажбуриятчи объектнинг 5 (беш) йил давомида мажбурий таълим муассасаси сифатида фаолият кўрсатиши мажбуриятини олиш	

№	Объект номи	Бино ва иншоотлар майдони (кв.м.)	Объект манзили	Баландса савлоҳи	ПҚ/ВМК	Савдога чиқарилган нархи (сўм)	Инвестиция мажбурияти (млн.сўм)	Инвестиция киритиш муддатлари
1	Қўриқнинг тўқталмаган бино-иншоотлари	2722	Тошкент шаҳри, Миробод тумани, Сарвиқўз 2-йор кўчаси, 34-уй	Давлат рақобат қўмитаси Тошкент шаҳар ҳокимлиги	28.03.2014 й. 36.75	4 471 629 100	-ме юқори сотиб олиш баҳосини тақлиф этиш; – қўшимча инвестиция мажбуриятини олиш; – янги иш ўринларини ташкил этиш;	
2	2 қаватли бинонинг эртўқаси (тароқ қисми)	3210	Тошкент шаҳри, М.Улўбек тумани, Х.Олимов майдони, 138-уй	Давлат рақобат қўмитаси Тошкент шаҳар ҳокимлиги	28.03.2014 й. 36.75	6 279 714 678	- харид қиймати ва қўшимча инвестиция киритишни энг қисқа муддатларда амалга ошириш (хўш-бўсан 2 йил муддат ичса)	

